

MOREKISI WA VAT WA KZN O LAHLELWA TJHANKANENG DILEMO TSE SUPILENG KA LEBAKA LA BOQHEKANYETSI BA VAT

Pretoria, 12 Tlhakubele 2019 - Mosadi wa KwaZulu-Natal ya qhekanyeditseng SARS tjelete e kana ka R 4 million, o fuwe kahlolelo ya ho hlola tjhankaneng dilemo tse supileng mane Lekgotleng la Lebatowa la Durban Labone le fetileng.

Mme Saraspathie Vallee (47) wa Chatsworth, ya kgannang kgwebo ena ya Gutterpride Trading ka bomong ba hae, o ipone molato wa boqhekanyetsi ba Lekgetho la Boleng bo Ekeditsweng mmoho le ho tlola molao o mabapi le Thibelo ya Diketsahalo tsa Bonokwane bo Hlophisitsweng.

Ka tshebediso ya tshebeletso ya SARS ya eFiling, o entse tseko ya pusetso ya VAT ya boleng ba R3 972 814 boemong ba Gutterpride bakeng sa nako e le nngwe ya lekgetho ka 2014 mme SARS e ile ya fuwa ditokomane tse fosahetseng ho tshheheta tseko ena. SARS e ile ya fokotsa pusetso ena mme ka mora hore makgetho a salletseng morao a fetolelwe tjeleteng, ho bile le tjelete e kana ka R2 484 683.75 e ileng ya busetswa setheong sena.

Matsatsing a mmalwa ka mora hore pusetso ena e leshwe ka hara akhaonto ya koporasi ena e kwetsweng, Valle o ile a ntsha tjelete ka makgetlo a mangata ho tswa akhaontong eo.

Vallee o ipone molato diqosong tse pedi ho latela dintlha tsa Karolo ya 112(1)(a) ya Molao wa metjha ya tsa Bonokwane. Setheo sena, Gutterpride le sona se ile sa fumana kahlolo ya kotlo ya ho lefa tjelete e kana ka R100 000, e fanyehilweng nako ya dilemo tse hlano.

Jwalokaha metjha ya SARS e mabapi le ho fumana tse ka bakang kotsi e ntse e ntlafala, re tla tswela pele ho tshwara baqhekanyetsi ba VAT le ho boela re tlisa tshepo mokgatlong wa rona, le ho tlisa ho se be le leeme molemong wa dikgwebo kaofela, mmoho le ho tshheheta thomo ya rona ya ho bokella ditjelete tsohle tse lokelang ho leshwa mmuso.